



الريضة



الرريدة
علي أحمد

الطبعة الأولى عام.. ٢٠١٩

دار لو غار يتم للنشر والتوزيع.
تصميم الغلاف: محمد درباله.
رقم الإيداع : ٢٨٣٨٩ / ٢٠١٩
الإخراج الفني: محمد الشهاوي
المدير العام: إيناس ناصر.
المدير التنفيذي: شادي أبو شهبه.

 logarithmpublish@gmail.com

 01281052824

© جميع الحقوق محفوظة. لا يسمح بإعادة إصدار هذا
الكتاب أو أي جزء منه أو تخزينه في نطاق استعادة المعلومات أو
نقله بأي شكل من الأشكال، دون إذن خطي مسبق من الناشر.



الريحة

شعر

علي أحمد

تصدير :

علشان الردة

عندنا في الجنوب عشان احنا ناس مختلفة ولوحدنا شويتين
ودي حقيقة بنعتز بيها كوننا ناس مالهاش غرض
ف الدنيا ومصالحها ومشاكلها زي ما بيوصفنا تماما
"أحمد منيب"

في أغانيه وخصوصا "ربك هو العالم"
لما بيتكلم ان ربنا رب قلوب واننا ناس طيبين و ما بنهتمش
لأموال الدنيا، أصل هنعمل إيه لما نعرف؟ أصلا يعني "مين
عارف يا حبيبي إيه لينا مكتوب"
بنستخدم مصطلحات مختلفة شوية ويمكن تكون غريبة عن
ناس كثير وما سمعوش بيها خالص أو عدت عليهم صدفة وما
فهموهاش..

نقول عن اللي مش طيب "قلب براني"

ما بنقولش باحبك قد ما بنقول "إيكا أدولي"
ما بنقولش وحشتيني قد ما بنقول "مشقاجير"
وغيرها كلام كثير الجنوب والنوبة وأسوان خصوصا مختلفين

شويتين

لو قولت مرحب يقول لك: مرحبتين
لو قولت سلام يقول لك: ما بدري
لو قولت شاي يقول لك: بالحليب
لو قولت اسمك نقول لك:

انت ابن فلان وعمك فلان وخالك فلان..
طاب لو برا أسوان وقابلت واحد أسواني تاني برا البلد تقول له:
"مرحبتين بلدنا حبابك"

اللي هو مرحب ومرحب بناس البلد الطيب..
عندنا بقي كلمة تاني هي اللي عليها العين والكلام كله..
كلمة 'الريدة' بمعناها الحرفي عندنا يعني الحب او العُزَّ
اللي هو أنا عاوزك، انا باحبك، انا 'باريدك'
متخيلين إن من بساطة الكلام واللهجة لخصوا الحب بكل

معانيه اللي الناس بتتعب سنين علشان بس يلاقوه أو يعرفوا هو
إيه ف 'العوز' او الريدة

من فترة وكلمة 'عشان الريدة' ملازمة لساني وبتكون جواب
تلقائي على أي سؤال ب "ليه؟" وحسيت اني عايش بيها بجدة،
عايش ب كمية كبيرة من اللطف والجمال و الحب عايش في
حالة كبيرة من الريدة!

تخيلو لو كلمة حُب الي بقيت مستهلكة جدا، بقيت 'ريدة'
بمعناها الحرفي ..واستبدلنا "باحبك" ب "باريدك"
الي هو انا مش عاوز حاجة من الدنيا، مش عاوز غيرك، أنا
باريدك انت وبس .

أعتقد الدنيا هتكون مكان ألطف،
عارفين أنا كتبت الديوان دا ليه؟
آايوة صح ...

الإهداء..

..

مُمتَنٍ للأحزان..
علشان بقيت شاعر!



ل أمي

نور الشمس في بيتنا
وابويا عمود البيت الباقي
ل جدتي "زين ما عطا الله"
دار الأيتام الأكبر في الدنيا
لروح جدي "حربي"
اللي ما فارقتناش لحظة ولا هتفارق

ل اخواتي توتة وهالة وحنية الدنيا عليا في قلوبهم
لعيلة أمي ، وعيلة ابويا ومستتر محمد اسماعيل ولايناس ناصر
بشخصها

ل مصطفى وليد وعبدالله مراد ومحمد عامر وبوتيج ومشاري
وكيرلس خيرى وعمرو عاطف واسلام رمضان ومحمد المصري
وعبدو نوبى واحمد طارق وخالد ناصر، ودنيا طنطاوي وحبيبه
الزين وساندي نبيل وهاجر حسن ونورا طه وهاجر عبدالمنعم
وآمنه الهواري لرعدة أسامة ، ويمني كامل ، ولي الحاج
(ست بنات سوريا)

لدينا حسن وهاجر حفني وريم جهاد ووسام ونغم عميرة
وأصواتهم اللي بتدفي قلبي
لرانية سنوسي عشان هي أم لكل من ما لوش في حنان الأهل
نايب وتمّام عشان كان العوض عن الأخ اللي من يوم ولادتي
غايب وعشان وقت أمّا ربوا عملوا إنسان كامل الصفات
للرحيق؛ ست البنات

لاخويا الكبير أحمد عمر واخويا الصغير علي يبيو الي شايل
نفس

اسمي وشوية حاجات تانية
ولأشرف خلف ومحمد خليفة وأشرف عبد الهادي وأحمد
عبد الرحمن

وعبد الرحمن خالد وعنتر وهشام الصعيدي ومصطفى
عبد الرحمن

وعلي حجاب وسمسم والدمياطي عشان سُعراء.
للسنافر ، ولكل بنت اسمها منة، و لخوخة بالخصوص
ل آلاء وإسراء عشان طيبين طول اليوم ومزعجين ٧ الصبح
لطيف وأميرة فتحي وديجا وإسراء وبسنت صلاح وفاطمة
عشان بناتي

لبنات عمو السعداوي أكبر المؤمنين بيا ولكل ما هو "صدفه" ♥

وللبنت الوحيدة، سلمى المهدى ♥



عارفتہ یا سلمے
اللہ ما ماتش ناقص عُمس
بیموت من القہرۃ!

العرّاف كازانوف

مفتّح

..

مُمتَنٍ للأحزان..

علشان بقيت شاعر!

مُمتَنٍ للألوان

علشان ما نافقتنيش

مُمتَنٍ للشُّجاعان

مِشيو بدون أعذار

مُمتَنٍ للخِذْلان

و لكل ما تَمِش

مُمتَنٍ انا لأشياء..

خلتني ما امتنّش!!

اتحول فجأة الضحك صريخ..!
واتحول يومها الواد لجريخ
كازانوفيا يضحك قدامكم
واستأصل أكثر جزء مريخ
واللون الأبيض في حياته!
طاب فين الباقي ف حكاياته
والضحكة ساعة ما يسلمها الخلد لخد
طاب فين الناس!
مش كما نقول الليل وناس
والحزن يا دُوب
من بعد آخر ركعات الفجر
ما هو أصله كان
مولود عراف
وبتتسخرله دموع الناس
كعجين ف إيديه

او حتى كطين
ويخلق بيه
أصنام ف قصايد
ويسجدوا ليها الناس
من شعرا و من مجاريح
خلاص..

مش قادر اتماسك
روحي الي كات معجونه بالأسمنت رجعت طين
و قلبي صار عراف..
قال لن يضل سبيل
أنا روحي كات بتميل
لكل شيء أخضر
وكل شيء فيه نور
وكل حلوة تزور
صدري وما تكملش

يا قلبي ما تسلمش
بكلمة وحكاية
أو نص ضحكاية
جائز تكون كدبة
من إمتي كانوا البشر صادقين!
فات سنة واتنين
وفي كل مرة مثلي فيها الغرق
وان انتي بتموتي
والدنيا شيء فاني
والناس عرفت حقيقتك وبدأت تكذبك
أنا كان بمخاطري ف كل كدبة
أصدقك تاني
يا رب انا يومها
دعيتك وحدها تبقيالي
ليه كل الوجع دا بقالي

ويا كل قلبي ب الحنة
بالحزن والسكين
قلبي علشان غشيم
عمره ما شاف ف يوم إلا كي
"دا انا عمري ما قولت ان انا خايف
غير بعد ما قلبي اتماكي"
يمشي الطريق دا وحيد
ما اعرفش ماشي لمين
يسأل بعزم الصوت
طريق الونس من فين!
ع الحال دا يا رب سنة واتنين..
لون العيون بالليل
مش زيه لو في الشمس!
كل الوجع اليوم
كان من أحبة أمس!..

ويكون في معلومك
الشمس بكيت
والنجوم طلعت ف عز الضهر تدعيلنا
ارجع ونس نومك
ارجع صديق يومك
وعكس كل الناس
دعواتي بتيجي عكس عكاس
وربك سمعنا
واهدالك ما بدالك
كنتي واقفة ع الغلطة
وبكل رقة و ذوق
غلطت واديهالك
لقيتني صاحي باتطوح..
كإني فرد حمام
ف حلقة ذكر

وكان غيَابُكَ
وجعي البكر
وَكَيْفَ نَاكَ وَآخِذَةُ الْحُزْنِ دَا حِكْر
عَلَيْكَ وَعَلَى كُلِّ النِّهَايَاتِ
وَجَعَلَ خَفَ وَعَدَى وَفَاتِ
وَإِنَّا وَجَعِي مَعْلَمُ جَوَابَاتِ
تَانِي..

مَشْ أَنَانِي..
نَقُولُ تَانِي..
كَرْمِهِ وَاسِعِ
فَاقِ كُلِّ الْمُسْتَحِيلِ
لَوْ يَوْمَ تَقَعِ
أَوْ يَوْمَ تَمِيلِ
هَتَلَا قِي كَفُوفِ مِ السَّمَاءِ تَسْنَدُكَ
سَحَابِ غَزِيرِ،

أمطار تسيل
وتنبت ف الاراضي البور
قلوب خضرا
وينبت ف قلبك العيل
أصوات قادرة
انها تسعدك
كصوت الدف
وبراد الشاي
أو حتى 'منير لو قال ازاى'
كلها ف وداني انغام حاضرة
أوصوت مشاري
لو يقول "الله"
او فرقة الحضرة
يوم ما تذكر ربك
دا انا قلبي حبك لما دق

ودق بس ف يوم ما حبك!
وما بقيتش طایل غير شمة من كتفك
كان إيه يعني بيني وبينك!
هما سَبْعَ سنين ، تايهين
تأكلهن أحزانٌ عجاف..
كات خلصت السيرة وخلصت القصة
وجيت امسحك
فكرني قلبي وقال
ما يومها يا غبي كتبتها بالجاف.
بشوفك ، ما باتكلمش
وما باسلمش..
قوليلي بس
ازاي سَلَبْتِنِي الحق ف كُفُوفِكَ؟
وكل انخلق بتسلم!
وازاي خرجتيني من جوفك؟

من غير روحك ما نِتَأَلَم!
وازاى الشمس مالتِ تَطْبَطَّبَ على كِتْفِي؟
والحرق طَمِنِي ، رغم انه يِعَلِمُ..!

وف كل شهر كريم
البيت يهدا بعد قُرب الفجر
البعد فُجر

والضلمة مش بتدوم
كل الاوض ف البيت نامت
وشقوق الحيطه وعدتني
تبقى أول ملجأ هروب ل روحي من إيد عزرائيل
ف تلاقي دايمأ أوضتي صاحبة تنقي هدوم
لاجل ما نبدأ الرحلة
هَتَمَشِّي فِ الوَحلة
طول الطريق م البيت للبيت
موجوع يمكن لكن خبيت

وباداري الحزن ف صوت النيل
و مراقبله جماعات ل الطير
أو هبلي ف عد بلاط الأرض
الحزن دا غول هاتك للعرض
وفص غشا الحُب ف روعي..
كان نفسي أقول خليك هنا
بس انتي عجبتك اللعبة
والدم ف جروحي
بالمناسبة ، مجاش سيرة الدم ف النص دا صُدفة
أنا كُنت باكتبك
أملا ف إني أخرج وجعي مع همي
فضل الوجع وفضل المم
واللي طَلع دَمِّي..
وخرجتك مني الليلة
يا حلوة مايو يا جميلة

يا نوتة عود عزفها جيتار
يا شوب ليمون في وسط البار
شربته ومثلت السكر أمام مساطيل
وعشان معاتيه
صدقوا إني منهم
أو جاز عشان باشبهلهم في الفجر
باشرب بداعي السكر
رغم اني باشرب وما بانساش
يا عم الحزن بكفاية
حنين ببلاش!
يا عم الليل بقى كفاية
ونس كداب!
فيه كام مرة آمنتنا لناس ،
وطلعوا كلاب
دا حتى الكلب يتآمن ،

وهما دياب ما يتآمنوش!

دموع وحنين

و كذب رموش

وعين حلوة ما بتنورش!

على فكرة

كلاب السكك مهما تشبع ،

هتفضل كلاب ما تتغيرش!

واهي دنيا ظروف وبتعاند

الطرف التالت كان ساند

كات تبدأ هي ف كل كلام

طاب مين يبدأ فينا ومن فين.

بديناها ثلاثة

وانا وانت يا صاحبي بقينا اتنين!!

واهي دي المعادلة..

ما حياتنا مش عادلة

كان ممكن الدنيا اللُّعُوبَ
تبقى أسهل من كذا!!
كان ممكن دمعي الواطي ما يفضحنيش
ويعري قلبي وسط كل الناس
كان ممكن يحفظ سر خوف مخدتي
أو حتى يبغي لوحدي وناس!
كان ممكن اسيب علامات ف بلاد الله
بقصايد شعر و جماهير و جموع
كان ممكن اسيلكم أي شيء
لكني مبصمتش سوا ب دموع..



يحيي ف كل حلم
إن الأحلام بتيجي
وان ف دنيتنا حاجة
ضروري تطولها إيدي
حاول واتعب وعافر
ما لقيتش الفرصة سافر
هتلاقي أكيد نجاح
وان ما فهمتش كلامي
قول 'حي على الفلاح'





شكرا لكل حد اهتم
وشكرا للي ما اهتمش
وشكرا للي حسيني
بإني وحيد ومتهمش



ملاك الحب

ما وقعتش ، أنا بس باطبطب على ضلّ
أو كنت باعدّ اللي فضليّ
من بعد هزاييم ما اتعدتش
من بعد دولاب الفرحة ما ضاقت كل حاجاتي معاه
وبقيت يا اتعري يا البس حزن
واعمل كوباية الشاي ب حليب
واقرا عن الراعي و احب الديب
و أصبر نفسي ب بيت و اتنين
واشرب كوباية الشاي ب حنين

واستغرب ضِلِّي بيدعي لمين!
مع إن كفوفي ما زالت تحت..
يمكن للي في سن العشرين
طلعتلي ف لعبة شخت وبخت
وضربت حلبي ب ستين سَم
يحي ستة وتلاتين شهر ف وهم!
وخوف ودموع وعياط فاضي
وانا كل ما احي ابكي..
أضرب ف نفسي علشان أقول..
أنا بابكي من الألم ، مش من الفرقة!
كان ممكن اموت لو ما اتجبتش
ما كانتش هتفرق مره الدنيا ف ضحك وخوف
ما كانتش هتفرق
أطلب باقي الاجرة من السواق
الدنيا سباق

وانا رجلي أضعف من عكاز قديم
وعنيا ابيضت م الاحزان
الحزن يينهش قلبي وروحي من الخذلان
والموت يقرب ما يبعدش
وحبيبي بهرب وما بتسيبش
ف روحي مكان
ينفع أرجع منه من بعد ما اموت
من بعد الفرقة بقيت باهت
واللون ف العالم مش واضح
الدمع ف عيني اصبح فاضح
إن القصة دي مابتفضلش
الشمس بتلسع ، ما تنورش
والعُمر اهو واقف مش بيغوت
ما غلطتش لما انا قولت ملاك
ولكني نسيت في ملاك للموت

وملاك الحب الليلة تعيس
وملاك جه ف يوم أصبح إبليس
وحبيب اتخي ودخل الميس
ولقي الاحزان موجودة هناك
وحبيب قام نط من الشباك
وحبيب اتقال له ف مرة فداك
واهي طلعت كلمة ومش أكثر
أكثر من مرة بافوز ب الحظ
ب الحظ انا بانسى وباجي اخسر
والحلوة بتكسب كالعادة
والقوة بتكسر بزيادة
والقهوة الحلوة بقت سادة
ومثل مستني إعادة
يمكن يلاقيله مكان ف الفيلم
ف ارجموني ب العياط المرة دي

واطلقوا النسيان ينهش في عمري
وحطوا الرقعة قوام ف روجي
ولفوا بكرة وهاتوا اخيط
واخلقوا من الخوف نجوم
ينهي فيا حروب واعيط
باعترف بإن الموت إن للنسيان
وبإن الصوت يلزمه ودان
وبإن التوبة لازمها اذآن
وبإن الحزن دا كان فدان
والفرح يا دوب قيراطين اتنين
وبإني كمان مخلوق علشان
أضحك وابكي واكتب أشعار
الحزن دا غار
وعينيكي حمام يمنع قلبي يقرب جوا
ومنير بيرتل م الأحران

كان نفسي أضمك وبقوة
أضمك انتي ، مش هو!
ده انا ممكن بس عشان خاطرك
أهزم أحزاني واحارب الكون
واقتل أشياء كات تألمني
وبسببك برضو المرادي
فيه مجرد ذكرى تهزمني
وانا ..

كل البشر ب الحُضن بتدوقني،
غلبان انا ابن النيل
والناس هنا بتمجد الأملاح!
ويسرقوا البسمة ويفرقعوا البلالين
ويدمعوا الحُزنك ، لكن دموع تمساح!
البحر ملحه كثير ، والموج شديد اليوم
ودموع حنيني أشد

الحزن طريق عُمرِي
والدَمع كيف للعاشقين
ويترسم ع الخلد
الصورة بقيت مليانه بناس
وانا عمري ما اتظمن لو احس ب الزحمة
جسمي شبع تعاوير وعياط
والإسود جوا دا مش قلبي يمكن وَحمة!
ما بقتش فارقة من الخصوص أو م العموم
علشان العيشة دي ممكن ناس
بتحارب بعض و تقتل ناسوانا ممكن أحاربني عشانك..
ماهو إنتي العالم يا حبيبي
وانا يمكن آخر سُكّانك

وهيفرق إيم كل العصافير لو فوق الإيد ..
واناعا وز واحد فوق الشجرة لكنم بعيد !



كواليس علاقة منهيّة

حاربت زي ماقال الكتاب
ما آمنش للأصحاب
أفضل قريب للعدو
لكن بعيد
أبدأ جواباتي ب الحمام
أو بالبريد
وبرضو ما احكيش فيها كل شيء
مش لازم احكي قد إيه حبيتك
أو قد إيه خبيتك
بس ف خيالي..

ممکن اکتب
ما بدالی
طاب ممکن اکذب
ما بدالی
کان جاي ف بالي يوم ما سبتيني
إنک رایحه تجیلي ورود
وشویة و تجلي
شکک نسیتي الوعود
ومش ناویة تحلي
ودا ذنب لا یغتفر
ف رکت القطر
وقولت یا سفر..
فی القطر صاحبي..
صاحبي هربت من عينه دمة
وشاورلي انا وسکت

ف دفنها ف المنديل
بصيته انا وضحت
والله ليها بديل
فيه ١٠٠٠ تتمناك
كلهم بنات لأصول
مش زي دي
بتستنك -عشان تواسيها-
الوضع مأساوي
مش قادر اخفيها
ف جيب سري ف قلبي
ع اليمين
سمع دعا قلبي
ردد وقال امين..
مبقيتش خلاص قادر اتماسك
روحي اللي كات معجونة ب الأسمنت

بقيت طين!
مين!
مين مثلاً
رمى قلبه تحت للسّمك
على بحر كامب شيزار
مين حطوله قلبه ف طبخة
بدون أسرار
مين بعد ما مات
وزع الطبخة صدقة
ف التّرب بإيديه
مين كان يبيكي
لو في المراية
يسرح قوي في عينيه
مين مات اليوم اياه ع البحر
بأس، حزين، وجعان..

مين كل ما يحب ويآمن
بأمر القدر يتخان
مين شافك ع البحر يومها ٧ مرات
وهو سايبك وحيدة ف أسوان
قولنا ييجي ١٠٠ مرة
مانيش سكران
مش صايح،
مش فلاقي، ومش باخونك
يمكن دا تأثير عيونك..
أو تأثير الوحدة
لا صحاب
ولا أهل
ولا بنت جميلة
تونس روي
وتدون بوي

وتلحن نوحى
ب جيتار أو عود
أو حتى كان
توعدني وعود وتغني كان
عاوزنا نرجع زي زمان!
قول للزمان راجع..
بعدك دا كان واجع
قلبك أهوه واقع
هاشيله انا واحميه
واحقنه كان ب الود..
هيبنني معايا ب دمه طريق
بعد اما كان يبسد..
صحاني الجرسون على سهوة..
تشرب إيه !
..

أنا ها طلب قهوة ..
فنجان البن دا
نسبة عياطه كتير
ف انا هادلقه
بيقولوا دلوق الحزن خير..
ربك خير
ووحده عالم
بالمناق
والمسلم
واللي عاش ف الدنيا سالم
تسلم الناس من أذاه
ربكم لو حب عبده
هتلاقه ف يوم ابتلاه..
أو خلاه..
ضحية

كل اللي مات يفتكر
أما انتي منسية
وانا فاكر بس كلام ستي
ستي قالتلي ف يوم
إن حسيت وجعها شديد
احكي عنها
واغني
واقف ف نص العلاقة مستني
زي حرف ال "أ" في نص كلمة فراق
فما تغيبش عني
جايلك وانا فوق ضهري
ضغط الحياة ، وانتي
نقطتين فوقي وانا مش تاء 'ت'
جايلك انا مشتاق
ما تسيبينش اغرق وقلبي يوش

راجل عجوز الرصيف ينده
وحياة الحب ما تجبوش..
كتبت مرة من سنة
كل الوجع هيمر
مهما الطريق طول
طاب ليه ما مرش بس!
سبتيلي إيه يتحس..
غير الضعف
والخوف
والحزن
والطيران
واني اناام غيران
واني اغير سهران
واني أقول
والله مش سكران

ولا عاصي وفلائي
ولا عمري كنت الشخص دا
ولا حتى يوم فكرت اكون
ولا حتى يوم فكرت اخون
صاحبي الوجع واضحك
حتى الوجع فاضحك
وباغت على وشك
احكي ولا اغشك!
يا سيدي أنا
بقالي ييجي اربع شهور
بنفخ ثاني اكسيد في بالونة هيليام
وفاكرني هساعدها ع الطيران
قطعت نفسي
وما طارت
اهو دا اللي صار

واهي دي اللي صارت كل شيء
اعرفكم..

سيادتها القشة
الي كتفت الغريق شبطان
وعلقته

وغرقته

وعلمته

ما يآمنش تاني للقش

ولا للشجر

ولا للحجر

ولا يدي سره للمطر

لاجل ما ينفخ في حلمه

وتدب فيه الروح

أنا قلبي كان جارح

والليله صار مجروح.



باتمنى لو أقدر
أحس بوجعي الحقيقي م الاشياء...
لو خبطة جت راسي
راسي اللي توجعني
واهو هو دا غرضي
لو نغز زار قلبي
ما قولش دا وجعك
ويجوز عَرَض مَرَضِي!





دا ان أمكن بس عشان خاطرك
أهزم أحزاني واحارب الكون
واقتل أشياء كات تألني
وبسببك برضو المرة دي
فيه مجرد ذكرى بتهزمني!

عيدي الوجع

كُلُّ الوجع هَيَمُرُ
مهما الطريق طَوَّلَ
الفرحة ثانية تُسَرُّ
ونعيد من الاول
طعم الحنين المرُّ
بيؤذي وكان ييُضِرُّ
الفرحة خيط يِكُرُّ . . . والضحكة تتحول
-عيد الوجع من الاول
عيدي الوجع عيدي
يا مَيِّمِي وعِيدِي
اتمشي ف وريدي
اتخطري وزيدي

خطواتك القاسية
فعلا نسييتي الوعد
ولا انتي مُتناسية
عيدي الوجع ثاني
ضاغفيلي أحزاني
واتمشي من ثاني
جوايا بالراحة
يا مركبي الراسية
جاوبيني بصراحة
فعلا نسييتي الوعد
ولا انتي متناسية
عیدی الوجع مرات
قلبك أحياني بمعجزات
أزاي حبيبتني المؤمنة
من بعد عصيان ربنا

راضية بعيونك مُسكرات
يا قلبي يا الى مننا
ازاي حايها زينا
وبفعلها ناسية
فعلا نسيقي الوعد
ولا انتي متناسية
يصرخ قلبي المشنوق على المسرح
تسقف كل جماهيري
فانا أضحك
فبتغيرني
وبتعيدي الوجع ثاني
عيدي الوجع أوقات
خليكي وضع ثبات
في كل حين بالذات
لما أشوف عينك

يا ست كل بنات الكون
الكون دا في يمينك
فضمي ايدكي عليه
ب الطيبة يا قاسية
وجاويني
فعلا نسيتي الوعد ، ولا انتي متناسية
دا الوعد دين ع الحر
وكمان على المسجون
يصبح كما المجنون
لو عاش أسير بيكي
أو عاش يقول فيكي
كل الغزل والشعر
لو مهما كان السّعر
كفة قلوبنا تُطَب.
لو مهما كان السّعر
ف الوعد دين الحُب

يحكي عن ، قلب حن
شاف عيونك طب مات
ثم دوبنا ف جوز عيونك
غنوة ورد وغمازات
ام لأن القلب حن
يجوز تصبوا الحزن فيه
صوت دموع القلب رن
في قلوب بريئة بتناديه
وبتنادي ، قلبك القاسي
يافاكراني

دا الشوق شبيه البُعد ، يفرِّقهم التوقيت
الشوق دا وقت مُميت ، لكن هيجينا
من بعد حزن وهمّ
*معلومة ل المهتم:

الشوق شبيه البُعد
والفرق بس "الهمَّ"
الفرق لون الدَم
في كُلِّ ساعةٍ بُكا..
وفي كلِّ ساعةٍ شوق
تَلْقَى الأُمُورِ تَصْعَبُ
معلومةٌ للمهتَمِّ:
الشوق شبيه البُعد
بس الحنين أصعب.
وزرعتي حنين..
ف طرحت لي غياب
كان الغياب كما عواد
عوده يسيبه
كان ضلعي السابع
يبلعن سوءَ حفله

وترتيبه

ويأكدي ، بإن قلبك كان قاسي

يرد قلبي ويقولہ

أكيد ما نسيتيش الوعد ، لكن بتناسي

الكل عامل صاحب المركب وانا زى نوح
بالظبط كان كل هے جائة!

و في عُرْف بلدنا النيل ييشق ضريح الحرف
وسط جبال .

شاعر قوأل

أقصى الجنوب
تحديدا بداية العمر
قبل الماية ما تلوث باحزانكم
قبل الخضار ما يتروي بدموع
قبل الشموع ما تنطفي
في آخر كام نقطة
شباب للنيل 'سالوجا' مش صخور ،
لكن..
مكان ، شعرا ، يتغنوا
وواد اسمر يطلق صوته ب الاشعار
يمد إيديه عشان يشرب
فيتحنوا !
..

و كان شاعر ..

بيطلق كل كلمة وكلمة في قلوبنا
بصوت طيب بعرض الأرض والسموات
بيوصل نجم وياّ النجم
ببساطة عم 'أحمد نجم'
وحزن فؤاد حداد ،

وشعر النيل
مواويل ، أول ما سمعتها حنيت
وجابني ف ايده هجاني
حروف الشعر
وقالي نصيحة ما انساها
لو عقلك خف و بعت الشعر
إياك تزهد أبدا في السّعر!
وكان قوال

كلامه بيتوصل دغري بقلوب الناس

مكاش طبيعى زينا
كلامه ييجي وحي الله
يا إما ييجي بالوسواس
عينه البني ، في طول عمرها بتصدق
ولا بتكذبش
وقلبه الاخضر الفاتح طول النهار يسجد
ولا ييسيدش فرض الحب
ولا مرة يقول للحلوة يا الحلوة!
بسيط جدا..
كما الدنيا ، قبل الغراب ما يداري جريمة قتلها الاولى!
حنين ،
زي أم تخاف تقول لعيالها حدوتة امنا الغولة!
'تشهد الأيام ع القلب المساح
'اللي عارف إن جرح الدنيا ما يبروحش
وباقى معانا ومعلم

جميل صاحبي ، في وسط الحزن ميكملش
ويبدأ هو ويسلم
يقولي اوعى الحُزن يتمكن
وتيجي تبكي مرة ان زاد
كفاية تفتكر دايمًا
بأن الدنيا فيها 'مراد'
ساعات باحزن واقول فينه..
جميل ووحشني عبد الله
بيروي الفرح ف عينينا
وعينه دموع ،
يستخسر تدمع عينه ع الاسفلت
ف يقعد تحت الشجر يسقيه
يلم الطير! يغنيهم ،
يطير بروحه وياهم
يطير ويطير.

ويهرب فوق
من يوم ما سافر
ولبستنا الدنيا طوق الغُربة
من يوم ما سافرو
انا بالعن المسافات
شايفك في كل الصور بنادي فينك قول
في غيابك ،
كل الحاجات ف الدنيا معوجة
باقول الآه..
ف يبدأ كل شيء يصنفى!
فباعرف إن صاحبي هنا
كف حنة تانية م الدنيا
بدأ يتغنى ب سالوجا!



مديت إيديا

دقيت ببيان السما

ردت وقالت:

- مين ؟..

- أنا صاحب دعا امبارح ،

اللي استنجد من فرط أذاوة البني آدمين

وباشحت طيبة

بالتالي ما باخسرهمش

باطبق روجي ورق قرعة

وتملي يطلع حظي في خلق ما اختارهمش



إن صبي الشاعِر الجمُهر
كان عيطَ وَحْدُهُ!





أبو كف رقيق وصغير
ما بقيش بيعشق أرض
ولا يمشي يقطف منها
وايديه بتتحنى
أيقن كان ان النعيم مش هنا
ودي مجرد أرض
مش حتة م الجنة!



الكواليس

"بعد انتهاء العرض"

قلوبنا ورق الشجر
أخضر ومش دبلان
والدنيا زي خريف بيهزنا فتموت
نقع ما نتكسرش
يا نموت يا تتدش دش
جربت احارب تاني ما قدرتش
كل الطرق قدامي مسدودة
وكيفي دودة
في موسم حصاد القطن
بيدوروا عليا علشان يقتلوني

لو كانوا صبروا يومين
انا كان زماني فراشة
بيدورو عليا برضو
علشان يصوروني
مش ناوي أكتب ما جralي
ولا ناوي أكذب في الوصف عن أحوالي
في القطر صاحبي
اتبدل ب هاندفري
والمناديل سكنت قوام عيني
مش لغيابه لكن
رجع هو لحبيته
وانا كل يوم باصرخ واقول فيني!
كنت ادعي ف الصلوات
وفي يوم ما يحدفوا الجمرات
اوزع ف الطريق تمرات

عشان اتودد لله وانساكي
روحت اسكندرية
وشوفتك نفس السبع مرات
ولكني ما اتهزيتش
شافوني قالوا يجوز سكران
حتي صحابي ما فهموش
دخلتهم صدري ما حبوش المكان
وافتكروا قلبي يادوب أنتيكا
سمعتهم كسر ضلوعي ما اتهزوش
بالعكس
حسبوها مزيكاً

..

شافو المرض بينهش جنبي وواجه
شوقي قلبي كان واقع
وافتكرتيني بهزر ودي قمة الغباء

كان نفسي احس بوجعي الحقيقي م الاشياء
لو خبطة جت راسي
راسي الي توجعني
واهو هو دا غرضي
لو نغز زار قلبي
ما اقولش دا وجعك
ويجوز عرض مرضي

ربك خير
مرت سنين وعرفنا مين ظالم ومين مظلوم
كالعادة في القهوة
كبس النوم
صحاني الجرسون من ثاني
وقعد جنني..
سنة أهيه وشهرين

تدلق فناجين
تدفع حسابين
الحمل الثاني امتي يسيبك
ليه بتوجع قلبك مع جيبك!
..

فضلت كلماته ف عقلي ترن
ورجعت كان احب البن
ما افرحش لما بيتدلق واقول دا خير
إزاي فيه خير في دلق مشروب يكاد يكون أجمل منك
يتدلق بدون قصدي ويقولوا دا خير
وفي موقف غير
باحاول اهشك من قلبي بتراوغي كطير
وتخشي كان تعششي جوا على سهوة
طاب فين الخير في وجودك وغياب القهوة!
كات هي تملي تفوقني

تساعدني اتغلب على غلي

..

أما انتي

سبتيني غرقت وباش قلبي
وما شوقتش زيك غدر بنات
كان فات العمر وما فهمتش
غير لما عجوز مندهش ومات!

..

كتبت مرة من سنين
كل الوجع هيمر مهما الطريق طول
كان إيه ما مرش بس؟
لو كان فؤادك حس
ف كلامي أهو التحول
كل الوجع قد مر
ولا شوفنا الطريق طول.

..

رسمة الحنة اللي كات ف إيديها اهي اتمسحت

ما بقاش يطير قلبي

ما بقیش یسلم ع البشر

شايل سعادة وخير

أدرک کماں بیاں الخیر

لازم یدور ویرجع خیر

..

ما قولتیش لیه من الاول

بیانک خاینة هتضری

سؤالی وحید لكل الناس

لو كانت هتقولہ یا بابا

زی اما كانت بتقولی !

..

فكرت اني هقضي حياتي ف الكواليس

وفجأة بنوتة فتحت بإيديها كوبس النور
واتفكت حواليا الضلمة
شدينا الستارة نحوي الجمهور
ما لقيتش حد فاضل غير سلمى ..



محفوظ

كإني الورود في الصيف وما فيش ندى

فجأة ارتوت

موجوع

كإني اللي دمع ع الورود

زي اللي خايف يوم يعود

وشارعه مالياه الكلاب

زي الي تاب عن الأحران

ويوم ما لسانه انطلق بالبوح

أهو دمه سال تحت السحاب

دمه اللي كان تحت القماش

ما كانش دم دا كان غياب .



كان إيما ذنب الوردة المسكينة
يقطفها قلب حزين ، لقلب مش يحسن

باموت مر البرد دا لانے
باعری حیاتے ف قصاید!

عشرين سنة

عشرين سنة وانا أول معجزات أمي

كنت اجري لاجل حضنك

وفي حضن غيري انتي تضي

عشرين سنة وانا لسا وحدي

أو حتى يعني مش مهم

أو وجودي

زي عدمه

زي قلبك لما قلبي راح لعنده

حضنه عدمه

ضلعي السابع ..

كان دايمًا بيشتكي من الآم في الظهر

وانا كنت طول الدهر باستمع شكواه
انا بابكي على قلبي
وقلبي يبكي عليها
هي كدا الدنيا ، كل يبكي على بلواه
..

وعشان فيكم النص دا يآثر
كان لازم يتكتب وانا قلبي متكسر
في سنة من عمري راحت ولا كانش فيها يئن
ولا قلبي كان يحن
لو اشوف دموع الحلوة
او رعدة صوتها لما تقول " ما تسينيش "
عاوزاني يعني أكتفي بيكي!
أمشي أوزع مشاعري على أي بنت تشبهك
وفي النهاية اقول حبيبتي أجمل!
"كحيلة وجاية الكحل من بابل ، وإمتى عيوننا نتقابل"

عاوزاني برضه أكتفي بيكي؟
أنا عاوز أعيش

..

باعتذر عن كوني - في العلاقات -
بسذاجة شاب في اعدادي
وتهور الكلية

ربك والحق الخوف فاضحك
أنا عاوز اولع ف الدنيا
واتفرج ع الناس وانا باضحك
كان غصب عني..

أنا عشت حياتي وسط بشر تايهين
وكوم قافل من الشُّمُوس
مكسورة ياما نفوس..

زي فقير عاش ٨٠ سنة بيكي
واما ضحك صوروه

وقالو الضحك مش بفلوس..

..

شاهدين على الدوران

وألاعب الزمن

حبة عنب - بايظ - في الشام

بيأذوا البلح في اليمن

وزي ما بادفع التمن

وزي ما الحلوة بتؤذيني

وتهديني الاغاني واقول

"وحياتي عندك ، لو كان ليا عندك خاطر"

لتراجع قلبك

وتفوق من ذنبك

وتخلي الليل يتحامي بكلامي من الليل

وتميل

وترقص خطواتك ف النيل

وتسبب الليل
يروى شقوق دمي
وتتوضى بالماء من أيدي
وتصلي على روعي صلاة بدون تكبير
أنا عمري ما اتوضى
ولا ارتوي حدا مني
مع إن قلبي كبير
يشبه لأكبر بير
..

شايل كلام وحنين وشعر
الشعر باب مفتوح
كل البشر داخله
والصدر حيط مشروخ
قلبي البنات عارفاه
تيجي البنية "كان"

تعزفلي لحن "الصبا"
وتقولِي شوف يا فلان
مفتاحك التجربة

..

والبعد تجربتي
والله يا حبيبتي
أنا عندي ياما كلام
باضرَب في نفسي وأقول
يا خِل إيه موديك للبعد م الاحباب
الطين ملح بعديك والبحر كُلّه سراب
نفضلي آثار الهجر عليك
جواك من سنة بقي كُلّه تراب

..

قلبي ..
قلبي من سنة أو أكثر

جاله دور برد
ونقص في النبضات
وأداؤه في الحب كان غير سوي
باتعب قوي..
ومش نافع معاه مضادات حيوية
واروح مستشفيات واتعاطى أدوية
ولا دكثرة تجيلي وتروجلي
الحل بس لو قلبها ييوجلي
كنت ف يوم هاجبه من غير ما اميل
لو يعني بس الزمان يسمح
هافصل قلبك ع المقاس تفصيل
..

وراح ابقى زي الخليل
باجري ع البشر وبمد
وباصاحب الأجدع

"العزوة مش في العدد
العزوة في اللي يسد"
ده أنا أول واحد في صحابي
يطلعلي جناح وأطير بسلام
أنا أول واحد يبقى وراك
أول ما تحس ب أي آلام
العُمر ليه واقف دلوقتي؟
والساقية خلاص ما بقتش تدور
عايش وحياتي كما الميت
وباطير بجناح
لكن مكسور..



ليه أضمر الحزن واحكيه
واسيب الحلوة بتمايل
ليه سجاير تدخل جوايا
مع اني انا أصلا ما بادخنش
طاب ليه أنا أصلا ما بادخنش
طاب يعني الشعر دا جالي منين
طاب حرف ال "عين"
في بداية "علي" نلحظ سمعي
دا مجاز طيب يعني لعينك
ولا يجوز معنى ل "دمعي"



أربع سنين

كانوا أربع سنين
إتعاشوا في الخناقات
واتفرشوا بالوحدة
اتقَضُوا مع واحدة
كانت عينيها القمر
وسنانها لو تضحك
ضحكتها ليلة وسهر
شايلالي حُب كبير
و أربع سنين أسرار
..

قالوا زمان عنها
أصل الجمال في سمار

ففهمت من وقتها
إن الجمال عندها
تهدي الحياة للسُمر
لكني واد طائش
وكنت كما فيروز سمت حبيبها زمان
بأنه 'هَمَ العُمَر' !

مُش طَائِلٌ مِنْكَ غَيْرَ شَمَةٍ مِنْ كِتْفِكَ!

لست بيبكي

يا جميلة بالصدفة
الناي خرم ودني
ودموعي جالها دموع
أنا قلبي كان مصحف
ودخلتك قلبك
فقادولي جوا شموع..
فَقَدُوا لي رسم يسوع
عِدُولي كام مَلْسوع
م الشمع والكبريت
عِدُولي كام مخدوع
ب الضحك جوا البيت

عدولي كام موجوع
ب الكسر جوا البيت!
عدولي كام من الناس
في الحرب كان جنبك
أو كان قُريب منك
أعدوا لي كام خرطوش
أحارب الاحزان..
الفرح طلقه فشك

وانا أول لي امبارح
وبكيت وانا سارح
وفهمت من وقتها
فيه مياه تكون عذبة
و ماء البشر مالح
أو يعني معنى أصح

فيه طيور تكون ف بيوت
وفيه طير يكون جارج
وانت قلبك كبير
وكان منجم ولسوء الحظ
خالي حجارة
يطلع مِنْهُ الحُب شطارة
ويحفر فيه الناس أنفاق
آخر المنجم فيه خزان
ميته مالحة ودا معناه
اللي بقاله سنين في فراق
لسا يبيكي لحد الآن..!

ما كانتش حلوة !

ما كانتش حلوة

ما كانتش يعني أطعم من سيلان العسل بعد المزارع بق
الفقير!

ما كانتش أطعم من فاكهة شجر الجنينة اللي يحرسها الغفير

ما كانتش أطعم م المفاجأة للعطاشي لما يلقوا فجأة بير!

وما كانش ليها - ف عيني يمكن - أي لذة

ما كانتش وسط السكر مرة

ما كانتش حلوة..

زي ما ممكن يشوف الصهاينة غرة!



دخلتهم صدري؛ ما حبوش
وافتكروا قلبي يا دُوب أنتيكا ..
سَمَعْتُهُمْ كسر عظامي ما اتهزوش؛
بالعكس حسبوها مزيكا!





لا انا عارف أحزن ولا أفرح

كأن الفرح دا فضيحة

يا دوب باضحك

ألاقي الحزن جاني ساعات

كأن مشاعري مُرجيحة!



كان نصّ مش مكتوب

النصّ دا

ما كانش لازم يتكتب

ما بقيتش غاوي مشاكل

مع باقي اعضاء جسمي

كفاية اني خسرت قلبي

عشان اشتاق

مع إني حالف

ما ابكي يوم لفراق

ورجعت تاني كئيب

باكتب نصوص وابكي
ورجعت تاني انخي
لو كنتي يوم تبكي!
رغم اني من قبلها
لملت كل هدومي ومشاعري
وحلقت حتى الباقي من شعري
عشان بالمسه وباشوفك فيه!
مشتاقلك اه لكن خيت
كل الأماكن بتفكرني بيكي
فانا ماشي
ولقيتني بافتكرك أول
ما اخش البيت!
باقعد على المكتب
وباقرر اني اكتب
من شدة الموقف لقيتني ما كتبتش

من إمتى كان الشّعري عني قرار
فيئست واستسلمت
وحضنت ورقى والقلم وهنام
باحلم أنا بغلام
مرسوم في كفه سهام
ويبيكي على حاله
اوعني على حالي
لو كل شيء غالي
حافظ على سعره
لا ما كنا قررنا لو مرة نتفارق
لوعني كان فارق
هاحكيك انا حلبي
دا ان يعني كان فارق
لكنك اختارتي بسهولة نتفارق!
ولا همكيش دمي

ولا همكيش تسألني عن حزني أو همي
ولا همكيش تعرفني إيه إني صار لي
أو الوجع فيا
لو قلبك انتي حمام
فضلوعي انا الغية
شوفتك كأهل وبيت
سببتيني كضحية!
تخاف لتخاف..
ومن خاف، لا والله مسلش
أنا شلتك جوا عيني وكان
يحميكي لون رمشي
ويسهر لاجل ما تنامي
ويوم ما شبعني نوم
قررتي ان تمشي..
ورجعت انا وحدي

ورجعت انا لوحدي
لو طفل كنت احبي
ولو شاب كنت اجري
لكن بقيت شايب
الحزن شيء عايب
وانا كنت اعيب ع المجروحين لو مرة كانوا يبينوا
شايف حبيبي بتضحك مع حد ليه بقى حق فيها
قاعدة بتتكلم، بتتبسم، تضحك وبتصوره
الموقف بقى أصعب، أكثر ما تتصوروا
الكل حواليا واقفين بيتفرجوا
شلة بنات ف الركن قاعدين ويهرجوا
وانا كنت قاعد مكتأب، باكتب المشهد، وبمثل اني سعيد!
النص دا مكتبتوش قاصد
عيوني بتدمع وبين كل دمتين فيه شبر
والله مش بابكي

دي عيوني قاصدة تحدف حبر!
ما كونتش عاوز افتكرك
لكني شربت كوباية عصير
في مكان اتعودنا اقابلك فيه
كان البعاد طافح على جلدي
أما العياط حلفت ل اخيه
احنا الكآبة يارب
احنا الي احبابنا صبوا علينا الحزن صب
ودا حالنا وحال الشعر يارب
رضا ومقسوم
أفطر على حزن حتى ان كنت تملي باصوم
واقضي العمر مساومات ، وهزائم
ساومت روجي ع الوجع
قالت فداه عمرك
ساومت عمري ع الغياب

قالي فداه روحك
وفر بقي نوحك
انت اللي فرحت يومها بالمطر
ما ركبتش مع نوحك..
شافني الصديق
ماشي ف طريق
كان عارف اخرته مهلك
همسلي وقال لي 'على مهلك'
مش كل اما تندهلك
تروح تحنلها
مش عشان يا صديقي عطشان
تغرق بقي ف نيلها
كام م البنات غيرها
يتمنوك الرضا ترضا
ونتبسم

أنا وصاحبي بنقسم
سوا جروحي
صاحبي اللي روحه دي توأم لروحي ودايما بيمشي ف جوف
الوريد
صاحبي اللي كان عن الناس 'مصطفى'
وناري بتطفي لو شافها تقيد..



طاب أعمل إيه!
وانا أول حب في عمري كان من نصيب نجمة كات دايمًا
تونسني حتى لو القمر مجاش..
حييتها يومين..
والتالت ما لقيتهاش!



ما بين البشر والناس

مش أي بشري تقول عليه إنسان!
في خلق دون أرواح ، أشبه إلى المانيكان
ويعملوا صحابك
ويعملوا معارفك
وان مرة جيت غلطان
يتسألوا مين عارفك!
تفتح لهم أبواب
وينحشوا ف حياتك
وتلاقي فجأة كتير
م الناس يبتلموا

وان مرة تألم
ولا حتى يهتموا
هتنادي وتقولهم
ضهري ف سنيه انحنى
خشوا بقى من الباب
دي النجدة ف إيديكم
هيردوا رد عليك
راح تبكي له عنيك
ويتفهم منه إن الجميع مش أصل
إوانهم صورة
لو قولت زقوا الباب
أو افتحوا الأكرة
هيقولوا مكسورة!

والكسرة اللي ف ضهري يا صاحبي

مش بس الغدر من الدنيا
ولا قلة أصل ظروف العمر
وخطواته المعوجة ف شاري
لكن علشان زرعى الأخضر
اديتلك حبه وسقيه كان
ومشيت وكانك ولا شوفتوش
او حتى كانك ما زرعتوش / بالليل
أو دوست الصبح بقسوة عليه
وبكل هدوء لما سألتك كان ردك إن الورد اهو مات!
من إمتى فيه حي يتخلد
من إمتى العمر بيكمل ثانية من بعد قضاءه
من إمتى فيه ملحد هيصلي
علشان هيراضي صديق وضاه!
من إمتى بنفرح للآخر
قدرك ساخر والعمر كابوس

سبعة أيام فيهم ما حبوش
يخلصوا تدخل سبعة تانيين
يخلصوا تدخل سبعة تانيين
يخلصوا تدخل سبعة تانيين
جفأة بترتاح
وتلاقي الدنيا بتضحكك
فتقول دا سلام
لكن غلطان
دي شماعة الدنيا عشان حظك
جابلك إعدام!



كنا نرث الأرض قمح وغلة
كانوا العيال يهربوا عشان ستي بتقول عليه "الشغل"
وانا كنت باتسلى



مَيِّت

الموت يخطف مني ناس ويطير
بافضل لوحدي بابكي طول الليل
وإن مرة عرفوا الوجع
الرد يبقى سكوت
ما لقيتش جنبي صديق يهون حزن
حتى ان قولت
الحزن جاي من موت!
سهران باعيط والصحاب عارفين
فيه عزاء قلبي ، ما لقيتش ناس واقفين !
سهران لوحدي باقولكم 'شاهدين' ؟
لو ليك صحاب ودخلت على أزمة
إن قالوا جنبك ، يبقوا مش صادقين.

وانا اتعودت ، بتنزل في الدموع رُوجي لحد ما شبت!
من يومي وحيد ، خايف ومتهمش
والكل غايب ، يعني عندي سواء
ساند بإيدي زناد على قلبي
وبنفس إيدي شادد الأجزاء!
تفتكروا بعد الحزن دأ
هنلاقي فرح يغلب غُلي
عاوزيني ازاى ما ابقاش سلمي
القلب رزع حُزنه ف صُلي
خايف أصحى من النوم خايف
وأبص عليه ما القاش قلبي!



سألت مين أقرب صديق

بيفضل وما بيمشيش

وعنيا يدمعوا

ردوا قالوا مافيش في الدنيا شيء باقي سواه الموت

كلام حقيقي وما صدقتوش

عشان الموت من يوم ما خد جدي

بطلت أستجدعه



حَرْبِي

مُفْتَح

الليل حصا مفروش بطول عمري
وانا عمري يوم عدت كام اللي باقي
أنا عمري لو / مش باقي فيه..
هَيَطُول

بدعوة امي في كل صبح وضُحَا
وجسمي لو ما كبرش تاني ، فيه احتمال
هَيَطُول كل البعيد

يا شيء طيب ينجيننا يوم العرض
وبنظرة منه يداوي شق الأرض
ويسد شقوق حيطان بيتنا
استغربت أمي عدّ الشقوق ف سألتها عدي

كل الحيطان في بيوت قديمة شقوقها بتطمئن
وانا خوفي زاد
وقت اما زادت شقوق الحيط بعد اما مات جدي!

..

قاعد على القهوة
في وسط الناس
لكني وحيد و كالعادة
براقب كل أفعالهم
واشوف الدنيا متعادة
وما يفرقش مين باقي
ومين كان فات
من يومه 'حربي' ما مات
والدنيا مش سهلة

..

جدي مات لما خلص عمره
معرفش مت وراه

ولا كملت السهرة
من يومها بس وكلنا أموات
واللي ما مأتش ناقص عمر
بيوت من القهرة!
مش م الوجع والمرض
حتى المرض ما بقاش له هيبة
جدي ما مأتش من الوجع
مات بس لما اتطمئن ان قلبه بخير
وانه ساب وراه ٣ شموع و٤ شمس
و٢٢ قلب بيدعوا سيرته ما تنتهيش
وكربي فاضي ، واسع ما يكفينيش
ف بيت اكبر من الدنيا

..

كان بيته اوسع
من كل هذا الكون
كات أوضته أضيق

مرة من قلبه
كنت اجري فيه براحتي
والاقي فيه راحتي
ما اخافش لصراحتي
أقولها تأذيني
طاب مين هيحميني
من بعد ما انت مشيت!
فاكر بياض شعره
بيضوي أكثر م اللمض ف البيت
فاكر عينه الرمادي
كات تلعب لما يكلمني
عن الشباب والطيش
عن احمد رمزي
وازاوي فتحة قيصه
كانت تأكل عيش.

..

كلّمني عن أحمد ذكي وقال
'أحمد ذكي قالنا ، كلمة باحبك وعد'
قالها يومها وهو قاعد متكي
من وقتها..

وانا عمري ما جه يوم
كذبت فيه أحمد ذكي .

..

ولا ودني لما بتشتغل
كل الأغاني من بيتنا لحد بيته
ووقت اما بافصلها جنب المدافن
علشان حرمة الميت
وارجع اشغلها تاني
عشان حربي ، كان برضه يحب الاغاني!
فيه معجزات حصلت قبل اما جدي يموت
اداني يوم بذرة وقالني تراقفني

ف زرعته جنبه ، وغبت يومين
ولقينا شجرة توت!
بتضلل على قبره
وساندة على سورهُ
باروح يوميا انا عنده
أقابل جدي اشوف نوره
غريبة القبر دار أخره
وكل الدنيا بتزوره..

عدى قصادي حد شبهه ب الملي
اوي يعني مش شبهه وانا كنت بالتخيل
وافكرت جدي وموته وعياطي
نومي يومها في اوضته
من غير ما يتقلب
أول أذان للفجر
فيه البيوت تظفي
وما اكونش انا ف إيده

ويكون على كتفي
طاب اوري وشي ازاي
لامي وانا مكسور
واقول ما تعيطيش
طاب اولي وشي ازاي
للقبلة واصلي
وحربي ما يصليش!
طولت القعدة على القهوة
والعزا طول فيا وما هديش
سنتين بابكي لجوا وما فيش
حاجه تهدي غير انو اخيرا
جاني الملاك طمني
وقاللي م الابرار
جذك دا جار للنبي
وقريب من عز وجلال الله
انا قولت لا.

وحشني
باتمني لو أحضنه
أو حتى يحضني
لو كان ذا مسموحله..
مسك ف إيدي وقال
طاب سيب حساب الشاي
قوم بينا هنروحله!

فهرس

٥	تصدير:
٩	الإهداء.....
١٥	العرّاف كازانوف.....
٣١	ملاك الحب.....
٣٩	كواليس علاقة منهيّة.....
٥٣	عيدي الوجع.....
٦٣	شاعر قوّال.....
٧١	الكواليس "بعد انتهاء العرض".....
٨٣	عشرين سنة.....
٩١	أربع سنين.....
٩٥	لسة بيبكي.....
٩٩	ما كانتش حلوة !.....
١٠٣	كان نص مش مكتوب.....
١١٣	ما بين البشر والناس.....
١١٩	ميت.....
١٢٢	حربي.....

